

XXXIV.

Instrumentum Procuratorii, dar-
innen All vnd Jede Conventuales zu Herren
Alb/ Ihrem Abbe gewalt auftragen/ bei Ihrer Keyserl.
Majest. auf desswegen zu Wormbs angefertigter Tagsakung/
ab Herzog Eberharden Frangsaal/ aller-
vnderhöntgist zubeklagten.

A.C. 1497.

In gottes namen. Amen. Kunt vnd wissend syg als
lenn ansehern vnnnd hören dis gegenwürtigen Instru-
ments. Das als man zalt nach Christi geburt vnnser
Lieben Herren Zuseht/ Vierhundert/ Nünzig vnnnd Sieben Ja-
re/ der fünffzehenden Römer synszal Indictio genant/ vff Mitt-
woch der da was vnnnd ist der Nün vnnnd Zwanzigste tag des Mo-
nats Merzen zu Vesper Zyt nach Mitage/ Erönnung des aller-
heilgosten inn Gott Vatters vnnnd herren/ herren Alexander des
Sechsten Babstes inn sinem fünfften Jahr/ inn dem Boghuse
vnd Closter Herren Alb/ inn der großen Stuben/ der alten Ap-
pyre/ sind vor mir dem offenn Notarien/ vnnnd den gloupwirdi-
gen gezügen nachgemelt/ persönlich gestanden/ die Erwürdigen/
Wirdigen/ Geistlichen vnd Ersamen Herrn Herr Bartholome-
us Appye/ vnd die Convent herren vnnnd Brüder des Convents
Nehgemeses Boghuses vnnnd Closters Eisterzienser Ordens/
vnnnd Spierer Bistumbs Nemlich Herr Johannes Niescher
Alter Appte zue Mulprunn Herr Michael Scholl Prior/ Jo-
hannes Magstatt/ Erhardus Kasteiter/ Johannes Trapp/
Johannes Nypfen/ Heinrich von Wyl/ Bernharden
Magstatt/ Oswaldus von Calw/ Johannes Schmuser/
Jacobus Meiß/ Berchtoldus von Calw/ Wendelinus
Sall/ Sebastianus Heilprunn/ Bonifacius Bernspach/
Wende

Wendelinus Gochsheim/Marcus Derdinger/Jodocus Bry-
 ninger/Gregorius Hüglin/Johannes Brach/Heinricus Bern-
 spacher/Marcus Bernspacher/Sebasteanus von Calw/Ludwi-
 cus Leonberg/Eustasius Marepacher/Michael von Calw/
 Wendelinus Gauch/Stephanus Eppinger/Johannes Marek-
 huser/Johannes von Bruchsal/Wernherus von Calw/Hein-
 ricus von Calw/Martinus von Wyher/Johannes Schnepff/
 Conradus von Brackenheim/Anthonius von Bernspach/Ja-
 cobus von Kottensfels/Gallus von Breithelm/Caspar Sechin-
 ger/Georius Sültinger/Johannes von Wymphsheim/Hein-
 ricus von Leonberg/Offnoten dieselben Conuentherren vnd
 Brüder/nach dem der durchlüchtig Hochgeporn / Fürst vnd
 herr / herr Eberharde Herzog zu Württemberg / vnd zu Teckh /
 Graue zu Mümpelgart etc. min gnediger Herr/dem Gemelten
 Frem Gochhuse/vnd Inen/kurz vergangner Tagen/mit etlicher
 macht/siner gnaden Volcke/zu der wehre/zu Ross/vnd auch zu
 fusse gerüft/ein mercklichen schaden vñ gewalt/mit hynemung/
 entwehrung vnd wustung des Irer/zufügen lassen/oder soliches
 zu gescheen verschafft herr. Darumb dan der Alldurchlüch-
 rigest/vnd großmechtigest/vnüberwindlichster Fürst vnd herr/
 herr Maximilian Römischer König / zu allen yhren merer des
 Rychs zu Hungarn/Dalmatien/Croatten.etc. König/Erzher-
 zog zu Oesterrych/ Herzog zu Burgund/zue Brabant/ Graue
 zu Flandern/etc. Unser allergnedigoster Herr/tag gen worms
 sehen lassen herr / obgemelt gewaltlich übung zuuerhören / vnd
 deßhalb zuhandlen. Daby dan dieselben Conuentherren / vnd
 Brüder nit erschynen könten/Sunder Ire Gochrecht/vnd Lob-
 lich verfehung Ires Gochhuses thun müssen. So wönten sie all in
 gemein/ vnd sunderheit/mit sunderm Rath/gunst/wissen vnd
 willen/des benannten Ires lieben herren/dem Appre/vnd mit ge-
 meinem versamletem Capitel/in gestalt vnd form/wie sie nach
 Ires Closters vnd Gochhuses loblicher gewonheit/sich mit sampt
 demselben Iren herren / In In ernstlichen antigenden sa-
 chen/zuerfameln/vnd Brüderlich zuuereynen pfögend/Iren
 vollmechtigen gewalt vnd ganze macht gegeben vnd beuohlen
 haben/Saben vnd beuahlen den also gegenwürtzlich inn krafft

diß Brieffs zum treffigsten / aller geschien vnd rechten vnd
 wie sie das nach Ires Capittels Ordens / vnd Closters loblichst
 gewonheit thun solten / könniten vnd möchten / demselben In
 In gott Lieben Vatter Herren Bartholomeo Appre des benan
 ten Goshuses Herren Albe / der dan bey gemelter Capittelicher
 vnd ordenlicher versamlung was / vnd solliches mit gepürli
 chem Räte vnd willen nottürftlich annahme / Also das er Ir
 Geistlicher Vatter vnd Appre sin / vnd Ires Goshuses / ouch sin
 vnd Ir eigen klag / vorderung / ansprach / vnd nottürfftige hand
 lung zu hannhabung / schirm / vnd haltung / Ir vnd Ires Gosh
 huses / Freyheiten / priuilegien / vnd Statuten / saktionen / ord
 nungen / alter herkomen / übungen vnd gewonheiten / Von vn
 sern allerheilgosten / vnd allergnedigosten Herren / Pabsten /
 Römischen Kaysern / vnd Königen / ouch von anderen lobli
 chen herren / vnd Personen / Inen / vnd Irem Goshuse vor viln
 Jaren / vnd biß her gnediglich / vnd vß guten Redlichen vrsa
 chen / zu hannhabung des lobwürdigen dienst Gottes / verlyhen
 gegeben / vnd bestetiget / Vnd sunder den Schirm / Ir / Ires
 Goshuses / vnd des Iren / von dem obgenandten vnserm Aller
 gnedigsten Herren des Römischen König / Inn ansehung sei
 ner Königlich Mayestert bestetigung Irer priuilegien vnd
 freyheiten / dem durchleuchtigen Hochæpornen Fürsten vnd her
 ren / herren Christoff Maraggraffen zu Baden ic. vnd Grauen zu
 Spanheim / minem Gnedigen herren / vor der mit obgemelts ge
 waltigen handels / beuohlen / Als sie dann Inn obgemelter Irer
 loblichen vnd ordenlichen versamlung mit sampt Irem Her
 ren dem Appre / den benannten mit Gnedigen herren / Maraggra
 uen :c. vß vil vnd mengerley redlichen / vnd gueten nottürfft
 igen vrsachen / vnd gnediger meynung von sinen fürstlich gna
 den vnd siner fürstlich gnaden vor Eltern loblicher gedächtnus /
 Irem Goshuse / vnd Inen anediglich bewisen / erkies vnd er
 wölt / vnd die Königlich Matestatt vß krafft vorangezogner
 loblichen freyheiten vnd siner Könighen Matestatt selbs be
 stetigung / demütiglich anruffen vñ bitten lassen herren / Inen /
 denselben mit Gnedigen herren Maraggraffen ic. in Schirm
 Herren zugebndt / als auch die Königlich Matestatt vnder
 siner

finer Küniglich Matestat anhangendem Insigel/ getan herre /
 vor demselben vnserm Allergnedigosten herren Römischen Kün-
 nig re. zu Tagen/ wie die gesezt sindt oder yemer fürter gesezt wer-
 den/ wo/ vnd wen sich das nach ordnung nordürfftiglich gepü-
 ren wirdt/ mündlich oder schriftlich/ gültlich oder rechtlich für-
 tragen/ Alle Ire Recht vnd gewarsamkeit vertreten/ vnd alles
 das/ Ine sin selbs/ vñ Ir/ oder Irs Goshuses halb/ not bedunck-
 hen möchte/ gegen obgenantem minem gnedigen Herren Her-
 zog Eberharten re. vnd allen finer gnaden verwandren / die her-
 inn gehandelt / oder sich der sach angenommen hetten / Oder das
 fürer mit worten/ werckhen/ Reiten/ oder getären thun wurden.
 Sunder ouch hierüber widerlegung/ bekerung/ abirag/ vnd alle
 gepüre/ durch rechtspruch oder ander entscheide/ begeren/ ernor-
 deren / vnd erlangen/ Darzu in gemeyn vnd sunderheit / zu ge-
 wynn/ verlorst/ vnd allem rechten handeln thun vnd lassen soll
 vnd möge. Alles das sie allsampt / oder sunders / Inn allweg /
 gültlich oder rechtlich / solten könneten oder möchten. Vnd ob-
 derselb Ir Geistlicher herz vnd vatter nach löblicher form der
 Recht/ oder sust/ mer gewalts herinn bedörffen wurde/ denselben
 allen haben sie In hiemit zum krefftigsten ouch gegeben / mit
 allem vnd jeglichen nordürfftigen gepürtlichen vnd zugehörigen
 Clausulen/ puncten/ vnd artickeln/ yeko als dann/ vnd dan als
 yeko. Die obgemelten Conuent. Herren vnd Brüder / haben
 ouch mit zusamen gelegten henden/ vf Ir Herz vnd brust/ nach
 der Geistlichen gewonheit/ by Irn worden/ trüwe/ vnd gehorsam-
 my/ geredt/ gelopt/ vnd versprochen für sich vnd Irs Goshuses
 ewigen nachfomen / disen gewalt vnd beuchle / Inn allen obge-
 schriben worten/ Clausulen vnd puncten/ war/ vest/ vnd stätt zu
 haltend / vnd hierwider nymer mer zu reden noch iurhunde / mit
 gnugsamer verzyhung Alles des/ so zum gewarsamlichsten hier-
 zu gehört/ one geuerd. Begerten hieruff dem obgenantem Irn
 geistlichen Vatter vnd Herren/ dem Arpe/ des alles/ eius vnd
 mer Instrument/ so wil Ine deren not wurden zugebend. Die-
 by sind gewesen die Ersamen vnd Erbern/ Erhart Eyllein Bur-
 ger von Wimpfen/ Johannes Nesselwang von Hspruch/ vnd
 Michael Strix Alter Ampman zu Frauen Albe/ als zu gesügen/
 hierzu

hierzu sunderlich berufft vnd erbeten. Vnnd das sollichs alles mit vnnsrem Bartholomeus des Appts/ vnd des Priors/ vnd gemeyner Conuent Brüder/ von Namen zu Namen/ des Hofhuses zu Herren Alb Spierer Bistums gemeyner versamb lung vnd Rate des Capittels vnd sust/ Inn allen worten wie oblut einhelliglich vnnnd wolbedachtlich gehandelt/ vnd von vnns zu haltend nach gepüre versprochen syg. So haben wir Bartholomeus der Appt/ vnnsrer Apptye/ vnd wir der Prior vnnnd Capittel Brüder / vnnsers gemeynen Conuents Insi gele zu mehrer gezügknuße / offentlich gehencht an diß Instru ment/ Inn der Indiction, Jar/ monat/ Erönung/ vnd vff den Tag/ als obstat.



gen/ vnd mit minem gewonen Zaitchen vnd Namen vnder schreiben / vnd gezeichnet hon / zu glauben vnd zugnuß aller obge schribner ding gebetten vnd eruordert.

Vnnd Ich Andriß Schlepp von Pforck heim vß Keyserlichem gewalt offener Schriber / dan Ich obgemelts Procuro rators sehung/ gewaltgebung / verheysung / Craffthaltung vnd allen vnd yeden obgerürten dingen/ so die/ wie vorstatt/ also gescheen vnd gehandelt wurden / sampt obgenanter Zügen / gegenwürtig gewesen bin / vnd hon die also gesehen vnd gehört gescheen / hierumb ich dyß gegenwürtig Instrument mit eines andern hand getrüwlich geschriben / gemacht / in dise offen form gezogen / vnd mit minem gewonen Zaitchen vnd Namen vnder schreiben / vnd gezeichnet hon / zu glauben vnd zugnuß aller obge schribner ding gebetten vnd eruordert.



35. Verz